

Ana hat immer das Bummerl

Originaltext

Zwoa große Buam die schupfn Kreuz
a kloana bleibt bei eana stehn
dös Muehgeld hat er in sein Handerl
spüt mit und is gleich in da Rein
so hat dös mit'n Buam begonna
und dieser kloane Bua war i
i hab mas net zu Herz'n gnumma
drumm is a nix G'scheit's word'n aus mir

Ana hat imma dös Bummerl
ana muaß imma valiern
oba i hab hoit imma dös Bummerl
weil i's vom Glück a Stiafkind bin

A Hintazimma in da Vorstadt
a G'spür beim Spül i war dabei
hab düppelt mit a poar Freundal
am Schluß woar i dann ganz alloa
am Anfang hab i g'setzt mein Boargeld
doch später hab i Schuld'n gmacht
mein Guat und Geld hab i valur'n
mein Weib is mir fort üba d'Nacht

Ana hat imma dös Bummerl
ana muaß imma valiern
oba i hab hoit imma dös Bummerl
weil i's vom Glück a Stiafkind bin

A jeda Mensch der lebt sein Leb'n
da Oani packt's da Andre net
und hat man sich dann erst besonnen
ja dann ist es meistens schon zu spät
denn ist man erst vom Glück verlass'n
dann suacht ma nach an fest'n Halt
ja ma suacht und suacht sein ganzes Leb'n
auf oamoi is ma grau und oit

Ana hat imma dös Bummerl
ana muaß imma valiern
oba i hab hoit imma dös Bummerl
weil i's vom Glück a Stiafkind bin

Ostertörn 2001

Dö groß'n Buama tuan gern seg'ln
dö Weiberl hams gern a dabei
vor Ostern treffen sie sich jährlich
am Mittelmeer zur Kotzerei
da Skipper ist wie immer unser Toni
die Yacht hoaft Ana nebenbei
als Crew täten wir uns erhoffen
an Platz unter die ersten drei

Ana hat imma dös Bummerl
ana muaß imma valiern
oba i hab hoit imma dös Bummerl
weil i's vom Glück a Stiafkind bin

Den ersten Schluck nach an Manöva
kriagt jed's mal da Klabautermann
da Steuermann is dann der Nächste
so saufen wir uns alle an
am Abend köpf ma dann a Pott'l Rotwein
und Käptn Morgan gibt's für'n Mag'n
a so a Törn is nix für Abstinenzler
a Seebär muaß dös schon vertrag'n

Ana hat imma dös Bummerl
ana muaß imma valiern
oba i hab hoit imma dös Bummerl
weil i's vom Glück a Stiafkind bin

A jeda Segler fahrt gern sein Regatta
da Oane packt's der Andre net
und siagt man dann von alle Andern s'Yachtheck
ja dann ist es meistens schon zu spät
dem Sieger kann man dann nur gratulieren
und hoffen das er a Rund'n zahlt
beim nächsten mal g'winnt wieder unser Toni
hoffentlich is dös schon recht bald

Ana hat imma dös Bummerl
ana muaß imma valiern
oba unser Yacht hieß leider Ana
☹ d'rumm san mir net erster wordn
☺ (und trotzdem san mir erster wordn)

